

Pecyn Cyhoeddus

Rhybudd o Benderfyniadau **Cyfarfod y Cabinet** a gynhaliwyd yn Neuadd Cyngor Ceredigion, Penmorfa, Aberaeron ac o bell ar **Ddydd Mawrth, 10 Ionawr 2023**

Cyhoeddir y Rhybudd hwn am 5.00pm Dydd Iau, 12 Ionawr 2023. Y dyddiad olaf i dderbyn cais i alw unrhyw benderfyniad i mewn yw 5.00pm Dydd Iau, 19 Ionawr 2023 drwy ei anfon at Bennaeth y Gwasanaethau Democrataidd. Daw'r penderfyniadau i rym (os na fydd yna gais dilys i'w galw i mewn) Dydd Gwener, 20 Ionawr 2023.

YN BRESENNOL: Y Cynghorydd Bryan Davies (Cadeirydd), y Cynghorwyr Catrin M S. Davies, Clive Davies, Gareth Davies, Keith Henson, Wyn Thomas, Matthew Vaux ac Alun Williams.

HEFYD YN BRESENNOL: Y Cynghorwyr Rhodri Evans, Gareth Lloyd a Gwyn Wigley Evans.

(10.00am-11.06am)

118 Ymddiheuriadau

Ymddiheurodd y James Starbuck, Cyfarwyddwr Corfforaethol am nad oedd yn gallu bod yn bresennol yn y cyfarfod.

119 Materion Personol

- i. Diolchwyd i staff, aelodau a gwirfoddolwyr am eu hymdrechion wrth gynorthwyo teuluoedd yr effeithiwyd arnynt yn anffodus gan doriad yn y cyflenwad dŵr yn dilyn tywydd garw ym mis Rhagfyr. Diolchwyd i Tŷ Nant am eu cyfraniad sylweddol wrth gyflenwi dŵr potel i deuluoedd.
- ii. Estynnwyd llongyfarchiadau i'r Cynghorydd Keith Henson ar ddod yn dad-cu yn ddiweddar.
- iii. Estynnwyd llongyfarchiadau i'r Parch Euryl Howells, Uwch Gaplan Bwrdd Iechyd Prifysgol Hywel Dda y dyfarnwyd Medal yr Ymerodraeth Brydeinig (BEM) iddo am ei wasanaethau i'r Gaplaniaeth gyda GIG Cymru.

120 Datgelu buddiannau personol / buddiannau sy'n rhagfarnu

Nid oedd unrhyw ddatganiadau o fuddiannau personol/ buddiannau sy'n rhagfarnu.

121 Cadarnhau Cofnodion Cyfarfod Blaenorol y Cabinet ac unrhyw faterion sy'n codi o'r Cofnodion hynny

Cadarnhau bod cofnodion Cyfarfod y Cabinet a gynhaliwyd ar 6 Rhagfyr 2022 yn gywir.

Materion yn codi: Nid oedd materion yn codi o'r cofnodion.

122 Unrhyw ddeisebau a dderbyniwyd

Dim.

123 Unrhyw benderfyniadau (os oes rhai) a alwyd i mewn gan y Pwyllgorau Trosolwg a Chraffu

Dim.

124 Unrhyw adborth gan y Pwyllgorau Trosolwg a Chraffu sydd ddim ar yr agenda
Dim.

125 Ystyried Adroddiad y Swyddog Arweiniol Corfforaethol Economi ac Adfywio ynghylch Grŵp Datblygu a Grwpiau Ategol Eraill gydag adborth gan y Pwyllgor Trosolwg a Chraffu

PENDERFYNIAD:

1. Cytuno ar aelodaeth y Grŵp Datblygu.
2. Cytuno ar y Cylch Gorchwyl arfaethedig ar gyfer y Grŵp Datblygu, y Grŵp Monitro Cyfalaf, y Grŵp Rheoli Asedau a'r Grŵp Rheoli Prosiectau Corfforaethol.
3. Nodi adborth y Pwyllgor Trosolwg a Chraffu Adnoddau Corfforaethol.

Y rheswm dros y penderfyniad:

1. I oruchwylio'n strategol a rheoli Rhaglen Ddatblygu'r Cyngor mewn ffordd well.
2. I wella'r trefniadau ar gyfer cyflawni Strategaeth Gorfforaethol y Cyngor.
3. I ddefnyddio amser ac adnoddau yn effeithlon ac effeithiol.

126 Ystyried Adroddiad y Swyddog Arweiniol Corfforaethol Economi ac Adfywio ynghylch Cynllun Gweithredu Sero Net - diweddariad ar y cynnydd gydag adborth gan y Pwyllgor Trosolwg a Chraffu

PENDERFYNIAD:

- i) Nodi'r cynnydd a wneir gyda'r camau sydd yn y Cynllun Gweithredu Sero Net.
- ii) Nodi adborth y Pwyllgor Trosolwg a Chraffu Cymunedau Ffyniannus.

Y rheswm dros y penderfyniad:

Mae rhoi diweddariadau ar y cynnydd bob hyn a hyn yn rhan ganolog o'r gwaith o fonitro ein siwrnai Sero Net, ac fe nodwyd yn y Cynllun y byddem yn adrodd yn ôl yn rheolaidd i'r pwyllgor craffu a Cabinet.

127 Ystyried Adroddiad y Swyddog Arweiniol Corfforaethol Cyswllt Cwsmeriaid ynghylch y Siarter Cwsmeriaid gydag adborth gan y Pwyllgor Trosolwg a Chraffu

PENDERFYNIAD:

- i) Cymeradwyo'r Siarter Cwsmeriaid.
- ii) Nodi adborth y Pwyllgor Trosolwg a Chraffu Adnoddau Corfforaethol.

Y rheswm dros y penderfyniad:

Cymeradwyo Siarter ddiwygiedig y Cwsmeriaid sy'n rhoi arweiniad i gwsmeriaid ar sut i gysylltu â'r Awdurdod a phryd i gael ymateb.

128 Ystyried Adroddiad y Swyddog Arweiniol Corfforaethol Gwasanaethau Democrataidd ynghylch Polisi'r Gymraeg ar Ddyfarnu Grantiau yn unol â Safon 94

PENDERFYNIAD:

I gymeradwyo Polisi'r Gymraeg ar Ddyfarnu Grantiau.

Y rheswm dros y penderfyniad:

I gyrraedd gofyniad Safon 94 yn Fframwaith Statudol Safonau'r Gymraeg.

129 Ystyried Adroddiad y Swyddog Arweiniol Corfforaethol Porth Cymorth Cynnar ynghylch Dyfarniad Grant Cyfalaf Chwaraeon Cymru i Ymddiriedolaeth Pwll Nofio Coffa a Neuadd Aberteifi

PENDERFYNIAD:

1. I nodi bod Chwaraeon Cymru yn cymeradwyo cyfanswm grant gwerth £470,261 gyda gofyniad ar i'r Cyngor gyfrannu arian cyfatebol o £220k.
2. Cytuno bod y Cyngor yn gweithredu mewn rôl gyswllt fel banciwr ar gyfer Grant Chwaraeon Cymru o £207,262 parthed Pwll Nofio Coffa a Neuadd Aberteifi.
3. Cytuno bod y Cynlluniau yn cael eu cynnwys yn y Rhaglen Gyfalaf.

Y rheswm dros y penderfyniad:

Galluogi buddsoddiad cyfalaf gwerth £207,262 ym Mhwll Nofio Coffa a Neuadd Aberteifi.

130 Nodi Adroddiad y Swyddog Arweiniol Corfforaethol Porth Cymorth Cynnar ynghylch Cofnodion Cyfarfod Cyngor Ieuenctid Ceredigion (21.10.22)

Nodwyd yr adroddiad.

131 Unrhyw fater arall y penderfyna'r Cadeirydd fod arno angen sylw brysgan y Cabinet

Dim.

**Cadarnhawyd yng Nghyfarfod y Cabinet a gynhaliwyd ar
24 Ionawr 2023**

Cadeirydd: _____

Dyddiad: _____

Mae'r dudalen yn wag yn fwriadol